

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



六. 妙覺 – 普光明殿

力用	佛	佛不思議法品
	法	如來十身相海品
	僧	如來隨好光明功德品
本體	僧	普賢行品
	法	如來出現品
	佛	離世間品



華嚴經如來出現品之一

中道果光名 如來出現入 如來性起妙 德菩薩頂		爾時，世尊從眉間白毫相中放大光明，名如來出現，無量百千億那由他阿僧祇光明以為眷屬。其光普照十方盡虛空法界一切世界，右遶十匝，顯現如來無量自在，覺悟無數諸菩薩眾，震動一切十方世界，除滅一切諸惡道苦，映蔽一切諸魔宮殿，顯示一切諸佛如來坐菩提座成等正覺及以一切道場眾會；作是事已，而來右遶菩薩眾會，入如來性起妙德菩薩頂。
大眾念請		時，此道場一切大眾身心踊躍，生大歡喜，作如是念：甚奇希有！今者如來放大光明，必當演說甚深大法。爾時，如來性起妙德菩薩於蓮華座上，偏袒右肩，右蹠合掌，一心向佛而說頌言：
依十波羅蜜起十偈頌	佛	正覺功德大智出，普達境界到彼岸，等於三世諸如來，是故我今恭敬禮。
	法	已昇無相境界岸，而現妙相莊嚴身，放於離垢千光明，破魔軍眾咸令盡。
	僧	十方所有諸世界，悉能震動無有餘，未曾恐怖一眾生，善逝威神力如是。
	精進	虛空法界性平等，已能如是而安住，一切含生無數量，咸令滅惡除眾垢。
	禪定	苦行勤勞無數劫，成就最上菩提道，於諸境界智無礙，與一切佛同其性。
	般若	導師放此大光明，震動十方諸世界，已現無量神通力，而復還來入我身。
	方便	決定法中能善學，無量菩薩皆來集，令我發起問法心，是故我今請法王。
	願	今此眾會皆清淨，善能度脫諸世間，智慧無邊無染著，如是賢勝咸來集。
	力	利益世間尊導師，智慧精進皆無量，今以光明照大眾，令我問於無上法。
智	誰於大仙深境界，而能真實具開演？誰是如來法長子？世間尊導願顯示！	
口放光明名 無礙無畏入 普賢菩薩口		爾時，如來即於口中放大光明，名無礙無畏，百千億阿僧祇光明以為眷屬。普照十方盡虛空等法界一切世界，右遶十匝，顯現如來種種自在，開悟無量諸菩薩眾，震動一切十方世界，除滅一切諸惡道苦，映蔽一切諸魔宮殿，顯示一切諸佛如來坐菩提座成等正覺及以一切道場眾會；作是事已，而來右遶菩薩眾會，入普賢菩薩摩訶薩口。其光入已，普賢菩薩身及師子座，過於本時及諸菩薩身座百倍，唯除如來師子之座。
乘佛力起問		爾時，如來性起妙德菩薩問普賢菩薩摩訶薩言：佛子！佛所示現廣大神變，令諸菩薩皆生歡喜，不可思議，世莫能知，是何瑞相？
乘佛力作答		普賢菩薩摩訶薩言：佛子！我於往昔見諸如來、應、正等覺示現如是廣大神變，即說如來出現法門。如我惟忖，今現此相，當說其法。說是語時，一切大地悉皆震動，出生無量問法光明。（普賢菩薩說如來出現，見附37）
說云何知十種如來出現	佛	云何知如來出現之法（見附37-1）
	法	云何見如來身（見附37-2）
	僧	云何知如來音聲（見附37-3）
	精進	云何知如來心（見附37-4）
	禪定	云何知如來境界（見附37-5）
	般若	云何知如來行（見附37-5）
	方便	云何知如來成正覺（見附37-6）
	願	云何知如來轉法輪（見附37-7）
	力	云何知如來般涅槃（見附37-8）
智	云何知於如來見聞親近所種善根（見附37-9）	

華嚴經如來出現品之二

佛波羅蜜	十方世界六種震動	爾時，佛神力故，法如是故，十方各有十不可說百千億那由他世界六種震動，所謂：東涌西沒，西涌東沒，南涌北沒，北涌南沒，邊涌中沒，中涌邊沒。十八相動，所謂：動、遍動、等遍動，起、遍起、等遍起，涌、遍涌、等遍涌，震、遍震、等遍震，吼、遍吼、等遍吼，擊、遍擊、等遍擊。
	依自性地種種莊嚴	雨出過諸天一切華雲、一切蓋雲、幢雲、幡雲、香雲、鬘雲、塗香雲、莊嚴具雲、大光明摩尼寶雲、諸菩薩讚歎雲、不可說菩薩各差別身雲，雨成正覺雲、嚴淨不思議世界雲，雨如來言語音聲雲，充滿無邊法界。如此四天下，如來神力如是示現，令諸菩薩皆大歡喜；周遍十方一切世界，悉亦如是。
法波羅蜜	十方同名普賢如來	是時，十方各過八十不可說百千億那由他佛刹微塵數世界外，各有八十不可說百千億那由他佛刹微塵數如來，同名普賢，皆現其前而作是言：
	十方普賢同說如來出現	善哉！佛子！乃能承佛威力，隨順法性，演說如來出現不思議法。佛子！我等十方八十不可說百千億那由他佛刹微塵數同名諸佛皆說此法；如我所說，十方世界一切諸佛亦如是說。
僧波羅蜜	十方普賢授記護持	佛子！今此會中，十萬佛刹微塵數菩薩摩訶薩，得一切菩薩神通三昧；我等皆與授記，一生當得阿耨多羅三藐三菩提。佛刹微塵數眾生，發阿耨多羅三藐三菩提心；我等亦與授記，於當來世經不可說佛刹微塵數劫，皆得成佛，同號：佛殊勝境界。我等為令未來諸菩薩聞此法故，皆共護持。如此四天下所度眾生，十方百千億那由他無數無量，乃至不可說不可說法界虛空等一切世界中所度眾生，皆亦如是。
二十波羅蜜成就	十方讚歎如來功德二十波羅蜜成就	爾時，十方諸佛威神力故，毘盧遮那本願力故，法如是故，善根力故，如來起智不越念故，如來應緣不失時故，隨時覺悟諸菩薩故，往昔所作無失壞故，令得普賢廣大行故，顯現一切智自在故，（涅槃十波羅蜜成就）
		十方各過十不可說百千億那由他佛刹微塵數世界外，各有十不可說百千億那由他佛刹微塵數菩薩來詣於此，充滿十方一切法界，示現菩薩廣大莊嚴，放大光明網，震動一切十方世界，壞散一切諸魔宮殿，消滅一切諸惡道苦，顯現一切如來威德，歌詠讚歎如來無量差別功德法，普雨一切種種雨，示現無量差別身，領受無量諸佛法，（菩薩十波羅蜜成就）
說法顯相	十方普賢作證同說	以佛神力各作是言：善哉！佛子！乃能說此如來不可壞法。佛子！我等一切皆名普賢，各從普光明世界普幢自在如來所而來於此，彼一切處亦說是法，如是文句，如是義理，如是宣說，如是決定，皆同於此，不增不減。我等皆以佛神力故，得如來法故，來詣此處為汝作證。如我來此，十方等虛空遍法界一切世界諸四天下亦復如是。（十方普光明世界普幢自在如來所同名普賢於一切處說同等法，異於普賢行品之十方普賢從普勝世界來，表如來出現品即自性地法成就故）
普賢說偈結會		爾時，普賢菩薩承佛神力，觀察一切菩薩大眾，欲重明如來出現廣大威德，如來正法不可沮壞，無量善根皆悉不空，諸佛出世必具一切最勝之法，善能觀察諸眾生心，隨應說法未曾失時，生諸菩薩無量法光，一切諸佛自在莊嚴，一切如來一身無異，從本大行之所生起，而說頌言：
	佛	一切如來諸所作，世間譬喻無能及，為令眾生得悟解，非喻為喻而顯示。
	法	如是微密甚深法，百千萬劫難可聞；精進智慧調伏者，乃得聞此祕奧義。
	僧	若聞此法生欣慶，彼曾供養無量佛，為佛加持所攝受，人天讚歎常供養。
	結會	此為超世第一財，此能救度諸群品，此能出生清淨道，汝等當持莫放逸。

附37：華嚴經如來出現品之知如來出現

知如來出現之法		時，性起妙德菩薩問普賢菩薩言：佛子！菩薩摩訶薩應云何知諸佛如來、應、正等覺出現之法？願為我說！（佛波羅蜜）
成就根本智菩薩來集		佛子！此諸無量百千億那由他菩薩眾會，皆久修淨業，念慧成就，到於究竟大莊嚴岸，具一切佛威儀之行，正念諸佛未曾忘失，大悲觀察一切眾生，決定了知諸大菩薩神通境界，已得諸佛神力所加，能受一切如來妙法；具如是等無量功德，皆已來集。
普賢菩薩已成就最上妙行		佛子！汝已曾於無量百千億那由他佛所承事供養，成就菩薩最上妙行，於三昧門皆得自在，入一切佛祕密之處，知諸佛法，斷眾疑惑，為諸如來神力所加，知眾生根，隨其所樂為說真實解脫之法，隨順佛智演說佛法到於彼岸，有如是等無量功德。
如來出現十種知法		善哉佛子！願說如來、應、正等覺出現之法，身相、言音、心意境界，所行之行，成道轉法，乃至示現入般涅槃，見聞親近所生善根；如是等事，願皆為說！時，如來性起妙德菩薩欲重明此義，向普賢菩薩而說頌曰：
依十波羅蜜而立諸問	佛	善哉無礙大智慧，善覺無邊平等境，願說無量佛所行，佛子聞已皆欣慶！
	法	菩薩云何隨順入，諸佛如來出興世？云何身語心境界？及所行處願皆說！
	僧	云何諸佛成正覺？云何如來轉法輪？云何善逝般涅槃？大眾聞已心歡喜。
	精進	若有見佛大法王，親近增長諸善根，願說彼諸功德藏，眾生見已何所獲？
	禪定	若有得聞如來名，若現在世若涅槃，於彼福藏生深信，有何等利願宣說！
	般若	此諸菩薩皆合掌，瞻仰如來仁及我，大功德海之境界，淨眾生者願為說！
	方便	願以因緣及譬喻，演說妙法相應義，眾生聞已發大心，疑盡智淨如虛空。
	願	如遍一切國土中，諸佛所現莊嚴身，願以妙音及因喻，示佛菩提亦如彼。
	力	十方千萬諸佛土，億那由他無量劫，如今所集菩薩眾，於彼一切悉難見。
	智	此諸菩薩咸恭敬，於微妙義生渴仰，願以淨心具開演，如來出現廣大法！
如來出現過去因緣		爾時，普賢菩薩摩訶薩告如來性起妙德等諸菩薩大眾言：佛子！此處不可思議，所謂如來、應、正等覺以無量法而得出現。何以故？非以一緣，非以一事，如來出現而得成就；以十無量百千阿僧祇事而得成就。何等為十？所謂：
如來出現十種根本因	佛	過去無量攝受一切眾生菩提心所成故，
	法	過去無量清淨殊勝志樂所成故，
	僧	過去無量救護一切眾生大慈大悲所成故，
	精進	過去無量相續行願所成故，
	禪定	過去無量修諸福智心無厭足所成故，
	般若	過去無量供養諸佛教化眾生所成故，
	方便	過去無量智慧方便清淨道所成故，
	願	過去無量清淨功德藏所成故，
	力	過去無量莊嚴道智所成故，
	智	過去無量通達法義所成故。
結會		佛子！如是無量阿僧祇法門圓滿，成於如來。

（返回第595頁）

附37-1：華嚴經如來出現品之如來出現十種相之一

如來出現第一相	佛波羅蜜	三千大千世界成就因緣	佛子！譬如三千大千世界，非以一緣，非以一事，而得成就，以無量緣、無量事，方乃得成。所謂：興布大雲，降霑大雨，四種風輪相續為依。其四者何？一名能持，能持大水故；二名能消，能消大水故；三名建立，建立一切諸處所故；四名莊嚴，莊嚴分布咸善巧故。如是皆由眾生共業及諸菩薩善根所起，令於其中一切眾生各隨所宜而得受用。（四種風輪即四智圓滿力用）
		四大風輪所成	佛子！如是等無量因緣乃成三千大千世界，法性如是，無有生者，無有作者，無有知者，無有成者，然彼世界而得成就。如來出現亦復如是，非以一緣，非以一事，而得成就；以無量因緣，無量事相，乃得成就。所謂：曾於過去佛所聽聞受持大法雲雨，因此能起如來四種大智風輪。何等為四？
		住行向地四大風輪此即大乘法四種成就	一者念持不忘陀羅尼大智風輪，能持一切如來大法雲雨故；（大圓鏡智）
			二者出生止觀大智風輪，能消竭一切煩惱故；（平等性智）
			三者善巧迴向大智風輪，能成就一切善根故；（妙觀察智）
		法性如是	四者出生離垢差別莊嚴大智風輪，令過去所化一切眾生善根清淨，成就如來無漏善根力故。（成所作智）
第二相	法波羅蜜	一切二乘不能受持	如來如是成等正覺，法性如是，無生無作而得成就。佛子！是為如來、應、正等覺出現第一相，菩薩摩訶薩應如是知。
			復次，佛子！譬如三千大千世界將欲成時，大雲降雨，名曰洪霑，一切方處所不能受、所不能持，唯除大千界將欲成時。
			佛子！如來、應、正等覺亦復如是，興大法雲，雨大法雨，名成就如來出現，一切二乘心志狹劣所不能受、所不能持，唯除諸大菩薩心相續力。
第三相	僧	善根力故大雲降雨	佛子！是為如來、應、正等覺出現第二相，菩薩摩訶薩應如是知。
			復次，佛子！譬如眾生以業力故，大雲降雨，來無所從，去無所至。如來、應、正等覺亦復如是，以諸菩薩善根力故，興大法雲，雨大法雨，亦無所從來，無所至去。佛子！是為如來、應、正等覺出現第三相，菩薩摩訶薩應如是知。
			復次，佛子！譬如大雲降霑大雨，大千世界一切眾生，無能知數，若欲算計，徒令發狂；唯大千世界主——摩醯首羅，以過去所修善根力故，乃至一滴無不明了。
第四相	精進波羅蜜	覺慧力故興大法雨	佛子！如來、應、正等覺亦復如是，興大法雲，雨大法雨，一切眾生、聲聞、獨覺所不能知，若欲思量，心必狂亂；唯除一切世間主——菩薩摩訶薩，以過去所修覺慧力故，乃至一文一句，入眾生心，無不明了。佛子！是為如來、應、正等覺出現第四相，菩薩摩訶薩應如是知。
			復次，佛子！譬如大雲降雨之時，有大雲雨，名為能滅，能滅火災；有大雲雨，名為能起，能起大水；有大雲雨，名為能止，能止大水；有大雲雨，名為能成，能成一切摩尼諸寶；有大雲雨，名為分別，分別三千大千世界。
			佛子！如來出現亦復如是，興大法雲，雨大法雨，有大法雨，名為能滅，能滅一切眾生煩惱；有大法雨，名為能起，能起一切眾生善根；有大法雨，名為能止，能止一切眾生見惑；有大法雨，名為能成，能成一切智慧法寶；有大法雨，名為分別，分別一切眾生心樂。佛子！是為如來、應、正等覺出現第五相，菩薩摩訶薩應如是知。
第五相	禪定波羅蜜	自性禪定有大法雨名為能滅	

附37-1：華嚴經如來出現品之如來出現十種相之二

第六相	般若	隨宜說法 無量差別	復次，佛子！譬如大雲雨一味水，隨其所雨，無量差別。如來出現亦復如是，雨於大悲一味法水，隨宜說法，無量差別。佛子！是為如來、應、正等覺出現第六相，菩薩摩訶薩應如是知。
第七相	方便波羅蜜	諸行智慧 隨眾生器 而有差別	復次，佛子！譬如三千大千世界初始成時，先成色界諸天宮殿，次成欲界諸天宮殿，次成於人及餘眾生諸所住處。 佛子！如來出現亦復如是，先起菩薩諸行智慧，次起緣覺諸行智慧，次起聲聞善根諸行智慧，次起其餘眾生有為善根諸行智慧。佛子！譬如大雲雨一味水，隨諸眾生善根異故，所起宮殿種種不同。如來大悲一味法雨，隨眾生器而有差別。佛子！是為如來、應、正等覺出現第七相，菩薩摩訶薩應如是知。
第八相	願波羅蜜	如來出現 生大蓮華	復次，佛子！譬如世界初欲成時，有大水生，遍滿三千大千世界；生大蓮華，名如來出現功德寶莊嚴，遍覆水上，光照十方一切世界。時，摩醯首羅、淨居天等見是華已，即決定知於此劫中有爾所佛出興于世。
		禪定成就十波羅蜜 風輪成就十大願風輪王	佛子！爾時，其中有風輪起，名善淨光明，能成色界諸天宮殿。有風輪起，名淨光莊嚴，能成欲界諸天宮殿。有風輪起，名堅密無能壞，能成大小諸輪圍山及金剛山。有風輪起，名勝高，能成須彌山王。有風輪起，名不動，能成十大山王。何等為十？所謂：佉陀羅山、仙人山、伏魔山、大伏魔山、持雙山、尼民陀羅山、目真隣陀山、摩訶目真隣陀山、香山、雪山。有風輪起，名為安住，能成大地。有風輪起，名為莊嚴，能成地天宮殿、龍宮殿、乾闥婆宮殿。有風輪起，名無盡藏，能成三千大千世界一切大海。有風輪起，名普光明藏，能成三千大千世界諸摩尼寶。有風輪起，名堅固根，能成一切諸如意樹。（禪定波羅蜜大願風輪成就十大山王） 佛子！大雲所雨一味之水，無有分別；以眾生善根不同故，風輪不同；風輪差別故，世界差別。
		總說大智光明	佛子！如來出現亦復如是，具足一切善根功德，放於無上大智光明，名不斷如來種不思議智，普照十方一切世界，與諸菩薩一切如來灌頂之記：當成正覺出興於世。
		如來出現有十種大智光明	佛子！如來出現復有無上大智光明，名清淨離垢，能成如來無漏無盡智。
			復有無上大智光明，名普照，能成如來普入法界不思議智。
			復有無上大智光明，名持佛種性，能成如來不傾動力。
			復有無上大智光明，名迥出無能壞，能成如來無畏無壞智。
			復有無上大智光明，名一切神通，能成如來諸不共法、一切智智。
			復有無上大智光明，名出生變化，能成如來令見聞親近所生善根不失壞智。
			復有無上大智光明，名普隨順，能成如來無盡福德智慧之身，為一切眾生而作饒益。
			復有無上大智光明，名不可究竟，能成如來甚深妙智，隨所開悟，令三寶種永不斷絕。
			復有無上大智光明，名種種莊嚴，能成如來相好嚴身，令一切眾生皆生歡喜。
			復有無上大智光明，名不可壞，能成如來法界、虛空界等殊勝壽命無有窮盡。

附37-1：華嚴經如來出現品之如來出現十種相之三

第八相	願波羅蜜	根性個別成就不同	佛子！如來大悲一味之水無有分別，以諸眾生欲樂不同、根性各別，而起種種大智風輪，令諸菩薩成就如來出現之法。佛子！一切如來同一體性，大智輪中出生種種智慧光明。
		善根成就方得如來真實智慧	佛子！汝等應知，如來於一解脫味出生無量不可思議種種功德，眾生念言：此是如來神力所造。佛子！此非如來神力所造。
			佛子！乃至一菩薩，不於佛所曾種善根，能得如來少分智慧，無有是處。但以諸佛威德力故，令諸眾生具佛功德，而佛如來無有分別，無成無壞，無有作者，亦無作法。佛子！是為如來、應、正等覺出現第八相，菩薩摩訶薩應如是知。
第九相	力波羅蜜	世界四風輪	復次，佛子！如依虛空起四風輪，能持水輪。何等為四？一名安住，二名常住，三名究竟，四名堅固。此四風輪能持水輪，水輪能持大地令不散壞。是故說：地輪依水輪，水輪依風輪，風輪依虛空，虛空無所依。雖無所依，能令三千大千世界而得安住。
		依無礙慧光明而起如來四種大智風輪	佛子！如來出現亦復如是，依無礙慧光明起佛四種大智風輪，能持一切眾生善根。何等為四？所謂：
			普攝眾生皆令歡喜大智風輪，
			建立正法令諸眾生皆生愛樂大智風輪，
			守護一切眾生善根大智風輪，
		具一切方便通達無漏界大智風輪。是為四。	
無礙慧光明	佛子！諸佛世尊，大慈救護一切眾生，大悲度脫一切眾生，大慈大悲普遍饒益。然大慈大悲依大方便善巧，大方便善巧依如來出現，如來出現依無礙慧光明，無礙慧光明無有所依。佛子！是為如來、應、正等覺出現第九相，菩薩摩訶薩應如是知。		
第十相	智波羅蜜	四族眾生皆得饒益	復次，佛子！譬如三千大千世界既成就已，饒益無量種種眾生。所謂：水族眾生得水饒益，陸地眾生得地饒益，宮殿眾生得宮殿饒益，虛空眾生得虛空饒益。如來出現亦復如是，種種饒益無量眾生。
			所謂：見佛生歡喜者，得歡喜益；住淨戒者，得淨戒益；住諸禪定及無量者，得聖出世大神通益；住法門光明者，得因果不壞益；住無所有光明者，得一切法不壞益。是故說言：如來出現，饒益一切無量眾生。佛子！是為如來、應、正等覺出現第十相，菩薩摩訶薩應如是知。
十種知如來出現結會知法界無量			佛子！菩薩摩訶薩知如來出現，則知無量；知成就無量行故，則知廣大；知周遍十方故，則知無來去；知離生住滅故，則知無行、無所行；知離心、意、識故，則知無身；知如虛空故，則知平等；知一切眾生皆無我故，則知無盡；知遍一切剎無有盡故，則知無退；知盡後際無斷絕故，則知無壞；知如來智無有對故，則知無二；知平等觀察為、無為故，則知一切眾生皆得饒益，本願迴向自在滿足故。
說偈重宣			爾時，普賢菩薩摩訶薩欲重明此義而說頌言：（三十七偈）
涅槃	佛	十力大雄最無上，譬如虛空無等等，境界廣大不可量，功德第一超世間。	
	法	十力功德無邊量，心意思量所不及，人中師子一法門，眾生億劫莫能知。	
	僧	十方國土碎為塵，或有算計知其數；如來一毛功德量，千萬億劫無能說。	

附37-1：華嚴經如來出現品之如來出現十種相之四

涅槃十波羅蜜	精進	如人持尺量虛空，復有隨行計其數，虛空邊際不可得，如來境界亦如是。
	禪定	或有能於剎那頃，悉知三世眾生心，設經眾生數等劫，不能知佛一念性。
	般若	譬如法界遍一切，不可見取為一切；十力境界亦復然，遍於一切非一切。
	方便	真如離妄恒寂靜，無生無滅普周遍；諸佛境界亦復然，體性平等不增減。
	願	譬如實際而非際，普在三世亦非普；導師境界亦如是，遍於三世皆無礙。
	力	法性無作無變易，猶如虛空本清淨；諸佛性淨亦如是，本性非性離有無。
	智	法性不在於言論，無說離說恒寂滅；十力境界性亦然，一切文辭莫能辯。
勸聞	佛	了知諸法性寂滅，如鳥飛空無有迹，以本願力現色身，令見如來大神變。
	法	若有欲知佛境界，當淨其意如虛空，遠離妄想及諸取，令心所向皆無礙。
	僧	是故佛子應善聽，我以少譬明佛境，十力功德不可量，為悟眾生今略說。
		導師所現於身業，語業心業諸境界，轉妙法輪般涅槃，一切善根我今說。
依涅槃十波羅蜜立十種譬喻知如來出現	總說	譬如世界初安立，非一因緣而可成，無量方便諸因緣，成此三千大千界。
		如來出現亦如是，無量功德乃得成，剎塵心念尚可知，十力生因莫能測。
	佛	譬如劫初雲澍雨，而起四種大風輪，眾生善根菩薩力，成此三千各安住。
		十力法雲亦如是，起智風輪清淨意，昔所迴向諸眾生，普導令成無上果。
	法	如有大雨名洪澍，無有處所能容受，唯除世界將成時，清淨虛空大風力。
		如來出現亦如是，普雨法雨充法界，一切劣意無能持，唯除清淨廣大心。
	僧	譬如空中澍大雨，無所從來無所去，作者受者悉亦無，自然如是普充洽。
		十力法雨亦如是，無去無來無造作，本行為因菩薩力，一切大心咸聽受。
	精進	譬如空雲澍大雨，一切無能數其滴，唯除三千自在王，具功德力悉明了。
		善逝法雨亦如是，一切眾生莫能測，唯除於世自在人，明見如觀掌中寶。
	禪定	譬如空雲澍大雨，能滅能起亦能斷，一切珍寶悉能成，三千所有皆分別。
		十力法雨亦如是，滅惑起善斷諸見，一切智寶皆使成，眾生心樂悉分別。
	般若	譬如空中雨一味，隨其所雨各不同，豈彼雨性有分別，然隨物異法如是。
		如來法雨非一異，平等寂靜離分別，然隨所化種種殊，自然如是無邊相。
	方便	譬如世界初成時，先成色界天宮殿，次及欲天次人處，乾闥婆宮最後成。
		如來出現亦如是，先起無邊菩薩行，次化樂寂諸緣覺，次聲聞眾後眾生。
願	諸天初見蓮華瑞，知佛當出生歡喜；水緣風力起世間，宮殿山川悉成立。	
	如來宿善大光明，巧別菩薩與其記；所有智輪體皆淨，各能開示諸佛法。	
力	譬如樹林依地有，地依於水得不壞，水輪依風風依空，而其虛空無所依。	
	一切佛法依慈悲，慈悲復依方便立，方便依智智依慧，無礙慧身無所依。	
智	譬如世界既成立，一切眾生獲其利，地水所住及空居，二足四足皆蒙益。	
	法王出現亦如是，一切眾生獲其利，若有見聞及親近，悉使滅除諸惑惱。	
結會	如來出現法無邊，世間迷惑莫能知，為欲開悟諸含識，無譬喻中說其譬。	

(返回第595頁)

*此十波羅蜜二十偈，諸波羅蜜具前後二偈，前偈曰體，後偈言用，前後和合，即體用入一。二十偈者即涅槃十波羅蜜和合菩薩十波羅蜜總成之法。下同。

附37-2：華嚴經如來出現品之如來身十種相之一

設問			佛子！諸菩薩摩訶薩應云何見如來、應、正等覺身？（法波羅蜜）
第一相	佛波羅蜜	於無量處見如來身	佛子！諸菩薩摩訶薩應於無量處見如來身。何以故？諸菩薩摩訶薩不應於一法、一事、一身、一國土、一眾生見於如來，應遍一切處見於如來。
			佛子！譬如虛空遍至一切色、非色處，非至、非不至。何以故？虛空無身故。如來身亦如是，遍一切處，遍一切眾生，遍一切法，遍一切國土，非至、非不至。何以故？如來身無身故，為眾生故示現其身。佛子！是為如來身第一相，諸菩薩摩訶薩應如是見。
第二相	法波羅蜜	一切執著一切戲論皆悉永斷	復次，佛子！譬如虛空寬廣非色，而能顯現一切諸色，而彼虛空無有分別亦無戲論。如來身亦復如是，以智光明普照明故，令一切眾生世、出世間諸善根業皆得成就，而如來身無有分別亦無戲論。何以故？從本已來，一切執著、一切戲論皆永斷故。佛子！是為如來身第二相，諸菩薩摩訶薩應如是見。
第三相	僧波羅蜜	以無量事普益眾生	復次，佛子！譬如日出於閻浮提，無量眾生皆得饒益。所謂：破闇作明，變濕令燥，生長草木，成熟穀稼，廓徹虛空，開敷蓮華，行者見道，居者辦業。何以故？日輪普放無量光故。
			佛子！如來智日亦復如是，以無量事普益眾生。所謂：滅惡生善，破愚為智，大慈救護，大悲度脫；令其增長根、力、覺分；令生深信，捨離濁心；令得見聞，不壞因果；令得天眼，見殑生處；令心無礙，不壞善根；令智修明，開敷覺華；令其發心，成就本行。何以故？如來廣大智慧日身，放無量光普照耀故。佛子！是為如來身第三相，諸菩薩摩訶薩應如是見。
第四相	精進波羅蜜	成就無邊法界次第成就眾生	復次，佛子！譬如日出於閻浮提，先照一切須彌山等諸大山王，次照黑山，次照高原，然後普照一切大地。日不作念：我先照此，後照於彼。但以山地有高下故，照有先後。
			如來、應、正等覺亦復如是，成就無邊法界智輪，常放無礙智慧光明，先照菩薩摩訶薩等諸大山王，次照緣覺，次照聲聞，次照決定善根眾生，隨其心器示廣大智，然後普照一切眾生，乃至邪定亦皆普及，為作未來利益因緣令成熟故。而彼如來大智日光不作是念：我當先照菩薩大行，乃至後照邪定眾生。但放光明平等普照，無礙無障，無所分別。
			佛子！譬如日月隨時出現，大山、幽谷普照無私。如來智慧亦復如是，普照一切無有分別，隨諸眾生根欲不同，智慧光明種種有異。佛子！是為如來身第四相，諸菩薩摩訶薩應如是見。
第五相	禪定波羅蜜	以佛威力未來苦因皆悉銷滅	復次，佛子！譬如日出，生盲眾生無眼根故，未曾得見。雖未曾見，然為日光之所饒益。何以故？因此得知晝夜時節，受用種種衣服、飲食，令身調適離眾患故。如來智日亦復如是，無信、無解、毀戒、毀見、邪命自活生盲之類無信眼故，不見諸佛智慧日輪。雖不見佛智慧日輪，亦為智日之所饒益。何以故？以佛威力，令彼眾生所有身苦及諸煩惱、未來苦因皆消滅故。

附37-2：華嚴經如來出現品之如來身十種相之二

第五相	禪定波羅蜜	佛	佛子！如來有光明，名積集一切功德；
		法	有光明，名普照一切；
		僧	有光明，名清淨自在照；
		精進	有光明，名出大妙音；
		禪定	有光明，名普解一切語言法令他歡喜；
		般若	有光明，名示現永斷一切疑自在境界；
		方便	有光明，名無住智自在普照；
		願	有光明，名永斷一切戲論自在智；
		力	有光明，名隨所應出妙音聲；
		智	有光明，名出清淨自在音莊嚴國土成熟眾生
第六相	般若波羅蜜	成就禪定趣一切智	佛子！如來一一毛孔放如是等千種光明，五百光明普照下方，五百光明普照上方。種種剎中種種佛所諸菩薩眾，其菩薩等見此光明，一時皆得如來境界，十頭、十眼、十耳、十鼻、十舌、十身、十手、十足、十地、十智，皆悉清淨。彼諸菩薩先所成就諸處諸地，見彼光明轉更清淨，一切善根皆悉成熟，趣一切智；住二乘者，滅一切垢；其餘一分生盲眾生，身既快樂，心亦清淨，柔軟調伏，堪修念智；地獄、餓鬼、畜生諸趣所有眾生，皆得快樂，解脫眾苦，命終皆生天上、人間。
		非是梵化佛神力故	佛子！彼諸眾生不覺不知，以何因緣、以何神力而來生此？彼生盲者作如是念：我是梵天！我是梵化！是時，如來住普自在三昧，出六十種妙音而告之言：汝等非是梵天，亦非梵化，亦非帝釋護世所作，皆是如來威神之力。彼諸眾生聞是語已，以佛神力皆知宿命，生大歡喜；心歡喜故，自然而出優曇華雲、香雲、音樂雲、衣雲、蓋雲、幢雲、幡雲、末香雲、寶雲、師子幢半月樓閣雲、歌詠讚歎雲、種種莊嚴雲，皆以尊重心供養如來。
		如來智日利益眾生	何以故？此諸眾生得淨眼故，如來與彼授阿耨多羅三藐三菩提記。佛子！如來智日如是利益生盲眾生，令得善根，具足成熟。佛子！是為如來身第五相，諸菩薩摩訶薩應如是見。
第七相	方便波羅蜜	正法解脫有四種奇特未曾有法即四智力用	復次，佛子！譬如月輪有四奇特未曾有法。何等為四？一者，映蔽一切星宿光明；二者，隨逐於時示現虧盈；三者，於閻浮提澄淨水中影無不現；四者，一切見者皆對目前，而此月輪無有分別、無有戲論。
		隨眾生心方便示現	佛子！如來身月亦復如是，有四奇特未曾有法。何等為四？所謂：映蔽一切聲聞、獨覺、學、無學眾；隨其所宜，示現壽命修短不同，而如來身無有增減；一切世界淨心眾生菩提器中，影無不現；一切眾生有瞻對者皆謂如來唯現我前，隨其心樂而為說法，隨其地位令得解脫，隨所應化令見佛身，而如來身無有分別、無有戲論，所作利益皆得究竟。佛子！是為如來身第六相，諸菩薩摩訶薩應如是見。

附37-2：華嚴經如來出現品之如來身十種相之三

第八相	願波羅蜜	鍊治法藥已得成就方便善巧皆到彼岸眾生見者煩惱除滅	復次，佛子！譬如醫王善知眾藥及諸呪論，闍浮提中諸所有藥用無不盡，復以宿世諸善根力、大明呪力，為方便故，眾生見者病無不愈。彼大醫王知命將終，作是念言：我命終後，一切眾生無所依怙，我今宜應為現方便。是時，醫王合藥塗身，明呪力持，令其終後身不散、不萎不枯，威儀視聽與本無別，凡所療治悉得除差。
			佛子！如來、應、正等覺無上醫王亦復如是，於無量百千億那由他劫，鍊治法藥已得成就，修學一切方便善巧大明呪力皆到彼岸，善能除滅一切眾生諸煩惱病及住壽命；經無量劫，其身清淨無有思慮、無有動用，一切佛事未嘗休息，眾生見者諸煩惱病悉得消滅。佛子！是為如來身第八相，諸菩薩摩訶薩應如是見。
第九相	力波羅蜜	為大寶聚一切功德大智慧藏眾生見者法眼清淨	復次，佛子！譬如大海有大摩尼寶，名集一切光明毘盧遮那藏；若有眾生觸其光者，悉同其色；若有見者，眼得清淨。隨彼光明所照之處，雨摩尼寶，名為安樂，令諸眾生離苦調適。
			佛子！諸如來身亦復如是，為大寶聚一切功德大智慧藏；若有眾生觸佛身寶智慧光者，同佛身色；若有見者，法眼清淨。隨彼光明所照之處，令諸眾生離貧窮苦，乃至具足佛菩提樂。佛子！如來法身無所分別亦無戲論，而能普為一切眾生作大佛事。佛子！是為如來身第九相，諸菩薩摩訶薩應如是見。
第十相	智波羅蜜	能令一切眾生皆悉歡喜非少福眾生所能得見	復次，佛子！譬如大海有大如意摩尼寶王，名一切世間莊嚴藏，具足成就百萬功德，隨所住處，令諸眾生災患消除、所願滿足；然此如意摩尼寶王非少福眾生所能得見。
			如來身如意寶王亦復如是，名為能令一切眾生皆悉歡喜，若有見身、聞名、讚德，悉令永離生死苦患；假使一切世界一切眾生，一時專心欲見如來，悉令得見，所願皆滿。
			佛子！佛身非是少福眾生所能得見，唯除如來自自在神力所應調伏；若有眾生因見佛身便種善根乃至成熟，為成熟故，乃令得見如來身耳。佛子！是為如來身第十相，諸菩薩摩訶薩應如是見。以其心無量遍十方故，所行無礙如虛空故，普入法界故，住真實際故，無生無滅故，等住三世故，永離一切分別故，住盡後際誓願故，嚴淨一切世界故，莊嚴一一佛身故。
			爾時，普賢菩薩摩訶薩欲重明此義而說頌言：（二十偈）
如來身十波羅蜜	佛		譬如虛空遍十方，若色非色有非有，三世眾生身國土，如是普在無邊際。
			諸佛真身亦如是，一切法界無不遍，不可得見不可取，為化眾生而現形。
	法		譬如虛空不可取，普使眾生造眾業，不念我今何所作，云何我作為誰作？
			諸佛身業亦如是，普使群生修善法，如來未曾有分別：我今於彼種種作。
	僧		譬如日出闍浮提，光明破闇悉無餘，山樹池蓮地眾物，種種品類皆蒙益。
			諸佛日出亦如是，生長人天眾善行，永除癡闇得智明，恒受尊榮一切樂。
	精進		譬如日光出現時，先照山王次餘山，後照高原及大地，而日未始有分別。
			善逝光明亦如是，先照菩薩次緣覺，後照聲聞及眾生，而佛本來無動念。

附37-2：華嚴經如來出現品之如來身十種相之四

依十種譬論說如來身十種相	禪定	譬如生盲不見日，日光亦為作饒益，令知時節受飲食，永離眾患身安隱。
		無信眾生不見佛，而佛亦為興義利，聞名及以觸光明，因此乃至得菩提。
	般若	譬如淨月在虛空，能蔽眾星示盈缺，一切水中皆現影，諸有觀瞻悉對前。
		如來淨月亦復然，能蔽餘乘示修短，普現天人淨心水，一切皆謂對其前。
	方便	譬如梵王住自宮，普現三千諸梵處，一切人天咸得見，實不分身向於彼。
		諸佛現身亦如是，一切十方無不遍，其身無數不可稱，亦不分身不分別。
	願	如有醫王善方術，若有見者病皆愈，命雖已盡藥塗身，令其作務悉如初。
		最勝醫王亦如是，具足方便一切智，以昔妙行現佛身，眾生見者煩惱滅。
	力	譬如海中有寶王，普出無量諸光明，眾生觸者同其色，若有見者眼清淨。
		最勝寶王亦如是，觸其光者悉同色，若有得見五眼開，破諸塵闇住佛地。
	智	譬如如意摩尼寶，隨有所求皆滿足，少福眾生不能見，非是寶王有分別。
		善逝寶王亦如是，悉滿所求諸欲樂，無信眾生不見佛，非是善逝心棄捨。

(返回第595頁)

附37-3：華嚴經如來出現品之如來音聲十種相之一

設問		佛子！菩薩摩訶薩應云何知如來、應、正等覺音聲？（僧波羅蜜）	
於如來音聲起十種知	佛	佛子！菩薩摩訶薩應知如來音聲遍至，普遍無量諸音聲故；	
	法	應知如來音聲隨其心樂皆令歡喜，說法明了故；	
	僧	應知如來音聲隨其信解皆令歡喜，心得清涼故；	
	精進	應知如來音聲化不失時，所應聞者無不聞故；	
	禪定	應知如來音聲無生滅，如呼響故；	
	般若	應知如來音聲無主，修習一切業所起故；	
	方便	應知如來音聲甚深，難可度量故；	
	願	應知如來音聲無邪曲，法界所生故；	
	力	應知如來音聲無斷絕，普入法界故；	
	智	應知如來音聲無變易，至於究竟故。	
第一相	從眾生諸善業力之所出生	法爾出聲	佛子！菩薩摩訶薩應知如來音聲，非量、非無量，非主、非無主，非示、非無示。何以故？佛子！譬如世界將欲壞時，無主無作，法爾而出四種音聲。其四者何？
		初禪	一曰：汝等當知初禪安樂，離諸欲惡，超過欲界。眾生聞已，自然而得成就初禪，捨欲界身，生於梵天。
		二禪	二曰：汝等當知二禪安樂，無覺無觀，超於梵天。眾生聞已，自然而得成就二禪，捨梵天身，生光音天。
		三禪	三曰：汝等當知三禪安樂，無有過失，超光音天。眾生聞已，自然而得成就三禪，捨光音身，生遍淨天。
		四禪	四曰：汝等當知四禪寂靜，超遍淨天。眾生聞已，自然而得成就四禪，捨遍淨身，生廣果天。是為四。
			佛子！此諸音聲無主無作，但從眾生諸善業力之所出生。
	如來功德而出音聲	如來音聲	佛子！如來音聲亦復如是，無主無作，無有分別，非入非出，但從如來功德法力，出於四種廣大音聲。其四者何？
		人天	一曰：汝等當知一切諸行皆悉是苦，所謂：地獄苦、畜生苦、餓鬼苦、無福德苦、著我我所苦、作諸惡行苦。欲生人、天當種善根；生人、天中，離諸難處。眾生聞已，捨離顛倒，修諸善行，離諸難處，生人、天中。
		聲聞	二曰：汝等當知一切諸行眾苦熾然，如熱鐵丸。諸行無常，是磨滅法；涅槃寂靜，無為安樂，遠離熾然，消諸熱惱。眾生聞已，勤修善法，於聲聞乘得隨順音聲忍。
		獨覺	三曰：汝等當知聲聞乘者，隨他語解，智慧狹劣；更有上乘，名獨覺乘，悟不由師，汝等應學。樂勝道者聞此音已，捨聲聞道，修獨覺乘。
	聞此音已發菩提心	大乘	四曰：汝等當知過二乘位更有勝道，名為大乘。菩薩所行，順六波羅蜜，不斷菩薩行，不捨菩提心，處無量生死而不疲厭，過於二乘，名為大乘、第一乘、勝乘、最勝乘、上乘、無上乘、利益一切眾生乘。
			若有眾生信解廣大，諸根猛利，宿種善根，為諸如來神力所加，有勝樂欲，希求佛果；聞此音已，發菩提心。佛子！如來音聲不從身出、不從心出，而能利益無量眾生。佛子！是為如來音聲第一相，諸菩薩摩訶薩應如是知。

附37-3：華嚴經如來出現品之如來音聲十種相之二

第二相	法波羅蜜	無有形狀不可觀見	復次，佛子！譬如呼響，因於山谷及音聲起，無有形狀，不可觀見，亦無分別，而能隨逐一切語言。如來音聲亦復如是，無有形狀，不可觀見，非有方所，非無方所；但隨眾生欲解緣出，其性究竟，無言無示，不可宣說。佛子！是為如來音聲第二相，諸菩薩摩訶薩應如是知。
第三相	僧波羅蜜	出妙音聲覺悟眾生無起無滅	復次，佛子！譬如諸天有大法鼓，名為覺悟。若諸天子行放逸時，於虛空中出聲告言：汝等當知一切欲樂皆悉無常，虛妄顛倒，須臾變壞，但誑愚夫令其戀著。汝莫放逸，若放逸者，墮諸惡趣，後悔無及。放逸諸天聞此音已，生大憂怖，捨自宮中所有欲樂，詣天王所求法行道。 佛子！彼天鼓音，無主無作，無起無滅，而能利益無量眾生。當知如來亦復如是，為欲覺悟放逸眾生，出於無量妙法音聲，所謂：無著聲、不放逸聲、無常聲、苦聲、無我聲、不淨聲、寂滅聲、涅槃聲、無有量自然智聲、不可壞菩薩行聲、至一切處如來無功用智地聲，以此音聲遍法界中而開悟之。 無數眾生聞是音已，皆生歡喜，勤修善法，各於自乘而求出離，所謂：或修聲聞乘、或修獨覺乘、或習菩薩無上大乘。而如來音，不住方所，無有言說。佛子！是為如來音聲第三相，諸菩薩摩訶薩應如是知。
第四相	精進波羅蜜	善口說法於一音中出無量聲	復次，佛子！譬如自在天王有天采女，名曰善口，於其口中出一音聲，其聲則與百千種樂而共相應，一一樂中復有百千差別音聲。佛子！彼善口女從口一聲，出於如是無量音聲。當知如來亦復如是，於一音中出無量聲，隨諸眾生心樂差別，皆悉遍至，悉令得解。佛子！是為如來音聲第四相，諸菩薩摩訶薩應如是知。
第五相	禪定波羅蜜	如來音聲等持利益	復次，佛子！譬如大梵天王住於梵宮出梵音聲，一切梵眾靡不皆聞，而彼音聲不出眾外。諸梵天眾咸生是念：大梵天王獨與我語。如來妙音亦復如是，道場眾會靡不皆聞，而其音聲不出眾外。何以故？根未熟者不應聞故。其聞音者皆作是念：如來世尊獨為我說。佛子！如來音聲無出無住，而能成就一切事業。是為如來音聲第五相，諸菩薩摩訶薩應如是知。
第六相	般若	解脫一味	復次，佛子！譬如眾水皆同一味，隨器異故水有差別，水無念慮亦無分別。如來言音亦復如是，唯是一味，謂解脫味，隨諸眾生心器異故無量差別，而無念慮亦無分別。佛子！是為如來音聲第六相，諸菩薩摩訶薩應如是知。
第七相	方便波羅蜜	興大悲雲遍十方界方便利益滿足諸乘	復次，佛子！譬如阿那婆達多龍王興大密雲，遍閻浮提普霑甘雨，百穀苗稼皆得生長，江河泉池一切盈滿；此大雨水不從龍王身心中出，而能種種饒益眾生。佛子！如來、應、正等覺亦復如是，興大悲雲遍十方界，普雨無上甘露法雨，令一切眾生皆生歡喜，增長善法，滿足諸乘。佛子！如來音聲不從外來、不從內出，而能饒益一切眾生。是為如來音聲第七相，諸菩薩摩訶薩應如是知。
第八相	願波羅蜜	慈悲演說微妙善法	復次，佛子！譬如摩那斯龍王將欲降雨，未便即降，先起大雲彌覆虛空凝停七日，待諸眾生作務究竟。何以故？彼大龍王有慈悲心，不欲惱亂諸眾生故。過七日已，降微細雨普潤大地。佛子！如來、應、正等覺亦復如是，將降法雨，未便即降，先興法雲成熟眾生，為欲令其心無驚怖；待其熟已，然後普降甘露法雨，演說甚深微妙善法，漸次令其滿足如來一切智智無上法味。佛子！是為如來音聲第八相，諸菩薩摩訶薩應如是知。

附37-3：華嚴經如來出現品之如來音聲十種相之三

第九相	力波羅蜜	隨眾生根說深妙法皆令歡喜	復次，佛子！譬如海中有大龍王，名大莊嚴，於大海中降雨之時，或降十種莊嚴雨，或百、或千、或百千種莊嚴雨。佛子！水無分別，但以龍王不思議力令其莊嚴，乃至百千無量差別。
			如來、應、正等覺亦復如是，為諸眾生說法之時，或以十種差別音說，或百、或千、或以百千，或以八萬四千音聲說八萬四千行，乃至或以無量百千億那由他音聲各別說法，令其聞者皆生歡喜；如來音聲無所分別，但以諸佛於甚深法界圓滿清淨，能隨眾生根之所宜，出種種言音皆令歡喜。佛子！是為如來音聲第九相，諸菩薩摩訶薩應如是知。
第十相	智波羅蜜	欲現龍王自在之力初現十二種光明色雲網彌布	復次，佛子！譬如娑竭羅龍王，欲現龍王大自在力，饒益眾生咸令歡喜，從四天下乃至他化自在天處，興大雲網周匝彌覆。其雲色相無量差別，或閻浮檀金光明色，或毘瑠璃光明色，或白銀光明色，或玻瓈光明色，或牟薩羅光明色，或碼碯光明色，或勝藏光明色，或赤真珠光明色，或無量香光明色，或無垢衣光明色，或清淨水光明色，或種種莊嚴具光明色，如是雲網周匝彌布。（十二種光明色）
		光明色雲網次出十二種電光	既彌布已，出種種色電光，所謂：閻浮檀金色雲出瑠璃色電光，瑠璃色雲出金色電光，銀色雲出玻瓈色電光，玻瓈色雲出銀色電光，牟薩羅色雲出碼碯色電光，碼碯色雲出牟薩羅色電光，勝藏寶色雲出赤真珠色電光，赤真珠色雲出勝藏寶色電光，無量香色雲出無垢衣色電光，無垢衣色雲出無量香色電光，清淨水色雲出種種莊嚴具色電光，種種莊嚴具色雲出清淨水色電光；乃至種種色雲出一色電光，一色雲出種種色電光。（十二種電光）
		三於彼雲中出種種雷聲	復於彼雲中出種種雷聲，隨眾生心皆令歡喜。
			所謂：或如天女歌詠音，或如諸天妓樂音，或如龍女歌詠音，或如乾闥婆女歌詠音，或如緊那羅女歌詠音，或如大地震動聲，或如海水波潮聲，或如獸王哮吼聲，或如好鳥鳴轉聲，及餘無量種種音聲。
		震雷已起涼風及降種種雨	既震雷已，復起涼風，令諸眾生心生悅樂，然後乃降種種諸雨，利益安樂無量眾生。從他化天至於地上，於一切處所雨不同。所謂：
			佛 於大海中雨清冷水，名無斷絕；
			法 於他化自在天雨簫笛等種種樂音，名為美妙；
			僧 於化樂天雨大摩尼寶，名放大光明；
			精進 於兜率天雨大莊嚴具，名為垂髻；
			禪定 於夜摩天雨大妙華，名種種莊嚴具；
			般若 於三十三天雨眾妙香，名為悅意；
			方便 於四天王天雨天寶衣，名為覆蓋；
			願 於龍王宮雨赤真珠，名涌出光明；
			力 於阿脩羅宮雨諸兵仗，名降伏怨敵；
			智 於此鬱單越雨種種華，名曰開敷；
		隨善根異雨有差別	餘三天下悉亦如是，然各隨其處，所雨不同。雖彼龍王其心平等無有彼此，但以眾生善根異故，雨有差別。
		初現種種身雲	佛子！如來、應、正等覺無上法王亦復如是，欲以正法教化眾生，先布身雲彌覆法界，隨其樂欲為現不同。

附37-3：華嚴經如來出現品之如來音聲十種相之四

第十相	智波羅蜜	初現身雲	隨眾生類現種種身雲	所謂：或為眾生現生身雲，或為眾生現化身雲，或為眾生現力持身雲，或為眾生現色身雲，或為眾生現相好身雲，或為眾生現福德身雲，或為眾生現智慧身雲，或為眾生現諸力不可壞身雲，或為眾生現無畏身雲，或為眾生現法界身雲。(隨眾生欲樂不同現十種身雲)
		次現種種光明電光		佛子！如來以如是等無量身雲，普覆十方一切世界，隨諸眾生所樂，各別示現種種光明電光。所謂：
			佛	或為眾生現光明電光，名無所不至；
			法	或為眾生現光明電光，名無邊光明；
			僧	或為眾生現光明電光，名入佛祕密法；
			精進	或為眾生現光明電光，名影現光明；
			禪定	或為眾生現光明電光，名光明照耀；
			般若	或為眾生現光明電光，名入無盡陀羅尼門；
			方便	或為眾生現光明電光，名正念不亂；
			願	或為眾生現光明電光，名究竟不壞；
			力	或為眾生現光明電光，名順入諸趣；
			智	或為眾生現光明電光，名滿一切願皆令歡喜。
		三現無量三昧雷聲		佛子！如來、應、正等覺現如是等無量光明電光已，復隨眾生心之所樂，出生無量三昧雷聲。所謂：
			佛	善覺智三昧雷聲、
			法	明盛離垢海三昧雷聲、
			僧	一切法自在三昧雷聲、
			精進	金剛輪三昧雷聲、
			禪定	須彌山幢三昧雷聲、
			般若	海印三昧雷聲、
			方便	日燈三昧雷聲、
			願	(缺文，六十華嚴此處為「普令眾生歡喜三昧雷聲、」)
			力	無盡藏三昧雷聲、
			智	不壞解脫力三昧雷聲。
		現諸瑞相及降十大法雨	現諸瑞相開悟眾生	佛子！如來身雲中出如是等無量差別三昧雷聲已，將降法雨，先現瑞相開悟眾生。所謂：從無障礙大慈悲心，現於如來大智風輪，名能令一切眾生生不思議歡喜適悅。此相現已，一切菩薩及諸眾生，身之與心皆得清涼。
				然後從如來大法身雲、大慈悲雲、大不思議雲，雨不思議廣大法雨，令一切眾生身心清淨。所謂：
			佛	為坐菩提場菩薩雨大法雨，名法界無差別；
			法	為最後身菩薩雨大法雨，名菩薩遊戲如來祕密教；
			僧	為一生所繫菩薩雨大法雨，名清淨普光明；
			精進	為灌頂菩薩雨大法雨，名如來莊嚴具所莊嚴；
			禪定	為得忍菩薩雨大法雨，名功德寶智慧華開敷不斷菩薩大悲行；

附37-3：華嚴經如來出現品之如來音聲十種相之五

第十相	智波羅蜜	現瑞相及降大法雨	般若	為住向行菩薩雨大法雨，名入現前變化甚深門而行菩薩行無休息無疲厭；	
			方便	為初發心菩薩雨大法雨，名出生如來大慈悲行救護眾生；	
			願	為求獨覺乘眾生雨大法雨，名深知緣起法遠離二邊得不壞解脫果；	
			力	為求聲聞乘眾生雨大法雨，名以大智慧劍斷一切煩惱怨；	
			智	為積集善根決定、不決定眾生雨大法雨，名能令成就種種法門生大歡喜。	
				佛子！諸佛如來隨眾生心，雨如是等廣大法雨，充滿一切無邊世界。佛子！如來、應、正等覺其心平等，於法無吝，但以眾生根欲不同，所雨法雨示有差別。是為如來音聲第十相，諸菩薩摩訶薩應如是知。	
結會			復次，佛子！應知如來音聲有十種無量。何等為十？所謂：		
如來音聲十種無量		佛	如虛空界無量，至一切處故；		
		法	如法界無量，無所不遍故；		
		僧	如眾生界無量，令一切心喜故；		
		精進	如諸業無量，說其果報故；		
		禪定	如煩惱無量，悉令除滅故；		
		般若	如眾生言音無量，隨解令聞故；		
		方便	如眾生欲解無量，普觀救度故；		
		願	如三世無量，無有邊際故；		
		力	如智慧無量，分別一切故；		
		智	如佛境界無量，入佛法界故。		
			佛子！如來應正等覺音聲成就如是等阿僧祇無量，諸菩薩摩訶薩應如是知。		
音聲妙用以利益眾生等無差別	總依十波羅蜜出生世間種種				爾時，普賢菩薩摩訶薩欲重明此義而說頌言：（二十偈）
		佛	三千世界將壞時，眾生福力聲告言，四禪寂靜無諸苦，令其聞已悉離欲。		
			十力世尊亦如是，出妙音聲遍法界，為說諸行苦無常，令其永度生死海。		
		法	譬如深山大谷中，隨有音聲皆響應，雖能隨逐他言語，而響畢竟無分別。		
			十力言音亦復然，隨其根熟為示現，令其調伏生歡喜，不念我今能演說。		
		僧	如天有鼓名能覺，常於空中震法音，誠彼放逸諸天子，令其聞已得離著。		
			十力法鼓亦如是，出於種種妙音聲，覺悟一切諸群生，令其悉證菩提果。		
		精進	自在天王有寶女，口中善奏諸音樂，一聲能出百千音，一一音中復百千。		
			善逝音聲亦如是，一聲而出一切音，隨其性欲有差別，各令聞已斷煩惱。		
		禪定	譬如梵王吐一音，能令梵眾皆歡喜，音唯及梵不出外，一一皆言已獨聞。		
			十力梵王亦復然，演一言音充法界，唯需眾會不遠出，以無信故未能受。		
		般若	譬如眾水同一性，八功德味無差別，因地在器各不同，是故令其種種異。		
			一切智音亦如是，法性一味無分別，隨諸眾生行不同，故使聽聞種種異。		
		方便	譬如無熱大龍王，降雨普洽閻浮地，能令草樹皆生長，而不從身及心出。		
諸佛妙音亦如是，普雨法界悉充洽，能令生善滅諸惡，不從內外而得有。					
	願	譬如摩那斯龍王，興雲七日未先雨，待諸眾生作務竟，然後始降成利益。			
			十力演義亦如是，先化眾生使成熟，然後為說甚深法，令其聞者不驚怖。		

附37-3：華嚴經如來出現品之如來音聲十種相之六

音 出 聲 生 妙 種 用 種	力	大莊嚴龍於海中，霑於十種莊嚴雨，或百或千百千種，水雖一味莊嚴別。
		究竟辯才亦如是，說十二十諸法門，或百或千至無量，不生心念有殊別。
	智	最勝龍王娑竭羅，興雲普覆四天下，於一切處雨各別，而彼龍心無二念。
		諸佛法王亦如是，大悲身雲遍十方，為諸修行雨各異，而於一切無分別。

(返回第595頁)

附37-4：華嚴經如來出現品之如來心十種相之一

總說			佛子！諸菩薩摩訶薩應云何知如來、應、正等覺心？（精進波羅蜜）
			佛子！如來心、意、識俱不可得，但應以智無量故，知如來心。
第一相	佛	如來智無所依相	譬如虛空為一切物所依，而虛空無所依。如來智慧亦復如是，為一切世間、出世間智所依，而如來智無所依。佛子！是為如來心第一相，諸菩薩摩訶薩應如是知。
第二相	法	如來智慧無增減相	復次，佛子！譬如法界常出一切聲聞、獨覺、菩薩解脫，而法界無增減。如來智慧亦復如是，恒出一切世間、出世間種種智慧，而如來智無增減。佛子！是為如來心第二相，諸菩薩摩訶薩應如是知。
第三相	僧波羅蜜	如來智無分別相	復次，佛子！譬如大海，其水潛流四天下地及八十億諸小洲中，有穿鑿者無不得水，而彼大海不作分別：我出於水。佛智海水亦復如是，流入一切眾生心中，若諸眾生觀察境界、修習法門，則得智慧清淨明了，而如來智平等無二、無有分別，但隨眾生心行異故，所得智慧各各不同。佛子！是為如來心第三相，諸菩薩摩訶薩應如是知。
第四相	精進波羅蜜	大智慧心成就四種大智寶珠	復次，佛子！譬如大海有四寶珠，具無量德，能生海內一切珍寶；若大海中無此寶珠，乃至一寶亦不可得。何等為四？一名積集寶，二名無盡藏，三名遠離熾然，四名具足莊嚴。 佛子！此四寶珠，一切凡夫諸龍神等悉不得見。何以故？娑竭龍王以此寶珠端嚴方正置於宮中深密處故。
		四智寶珠福智功德善根眾生善能利益	佛子！如來、應、正等覺大智慧海亦復如是，於中有四大智寶珠，具足無量福智功德，由此能生一切眾生聲聞、獨覺、學、無學位，及諸菩薩智慧之寶。何等為四？所謂： 無染著巧方便大智慧寶、善分別有為無為法大智慧寶、分別說無量法而不壞法性大智慧寶、知時非時未曾誤失大智慧寶。若諸如來大智海中無此四寶，有一眾生得入大乘，終無是處。 此四智寶，薄福眾生所不能見。何以故？置於如來深密藏故。此四智寶，平均正直，端潔妙好，普能利益諸菩薩眾，令其悉得智慧光明。佛子！是為如來心第四相，諸菩薩摩訶薩應如是知。
第五相	禪定波羅蜜	禪定能持四智光明	復次，佛子！譬如大海，有四熾然光明大寶布在其底，性極猛熱，常能飲縮百川所注無量大水，是故大海無有增減。何等為四？一名日藏，二名離潤，三名火焰光，四名盡無餘。佛子！若大海中無此四寶，從四天下乃至有頂，其中所有悉被漂沒。 佛子！此日藏大寶光明照觸，海水悉變為乳；離潤大寶光明照觸，其乳悉變為酪；火焰光大寶光明照觸，其酪悉變為酥；盡無餘大寶光明照觸，其酥變成醍醐；如火熾然，悉盡無餘。
		依於禪定起四種大智慧寶	佛子！如來、應、正等覺大智慧海亦復如是，有四種大智慧寶，具足無量威德光明；此智寶光觸諸菩薩，乃至令得如來大智。 何等為四？所謂：滅一切散善波浪大智慧寶、除一切法愛大智慧寶、慧光普照大智慧寶、與如來平等無邊無功用大智慧寶。

附37-4：華嚴經如來出現品之如來心十種相之二

第五相	禪定波羅蜜	依於禪定起大智慧寶捨離三昧味著入如來地	佛子！諸菩薩修習一切助道法時，起無量散善波浪，一切世間天、人、阿脩羅所不能壞；
			如來以滅一切散善波浪大智慧寶光明觸彼菩薩，令捨一切散善波浪，持心一境，住於三昧；
			又以除一切法愛大智慧寶光明觸彼菩薩，令捨離三昧味著，起廣大神通；
			又以慧光普照大智慧寶光明觸彼菩薩，令捨所起廣大神通，住大明功用行；
			又以與如來平等無邊無功用大智慧寶光明觸彼菩薩，令捨所起大明功用行，乃至得如來平等地，息一切功用，令無有餘。
			佛子！若無如來此四智寶大光照觸，乃至有一菩薩得如來地，無有是處。佛子！是為如來心第五相，諸菩薩摩訶薩應如是知。
第六相	般若波羅蜜	般若虛空界而無分別	復次，佛子！如從水際，上至非想非非想天，其中所有大千國土，欲、色、無色眾生之處，莫不皆依虛空而起、虛空而住。何以故？虛空普遍故；雖彼虛空，普容三界而無分別。佛子！如來智慧亦復如是，若聲聞智，若獨覺智，若菩薩智，若有為行智，若無為行智，一切皆依如來智起、如來智住。何以故？如來智慧遍一切故；雖復普容無量智慧而無分別。佛子！是為如來心第六相，諸菩薩摩訶薩應如是知。
第七相	方便波羅蜜	雪山頂有藥王樹具無盡根	復次，佛子！如雪山頂有藥王樹，名無盡根。彼藥樹根從十六萬八千由旬下盡金剛地水輪際生。彼藥王樹若生根時，令閻浮提一切樹根生；若生莖時，令閻浮提一切樹莖生；枝、葉、華、果悉皆如是。此藥王樹，根能生莖，莖能生根，根無有盡，名無盡根。
			佛子！彼藥王樹於一切處皆令生長，唯於二處不能為作生長利益，所謂：地獄深坑及水輪中；然亦於彼初無厭捨。
		善根生長一切智慧	佛子！如來智慧大藥王樹亦復如是，以過去所發成就一切智慧善法、普覆一切諸眾生界、除滅一切諸惡道苦廣大悲願而為其根，於一切如來真實智慧種性中生堅固不動善巧方便以為其莖，遍法界智、諸波羅蜜以為其枝，禪定、解脫、諸大三昧以為其葉，總持、辯才、菩提分法以為其華，究竟無變諸佛解脫以為其果。
		究竟無休息故不斷菩薩行故名無盡	佛子！如來智慧大藥王樹，何故得名為無盡根？以究竟無休息故，不斷菩薩行故；菩薩行即如來性，如來性即菩薩行，是故得名為無盡根。
			佛子！如來智慧大藥王樹，其根生時，令一切菩薩生不捨眾生大慈悲根；其莖生時，令一切菩薩增長堅固精進深心莖；其枝生時，令一切菩薩增長一切諸波羅蜜枝；其葉生時，令一切菩薩生長淨戒頭陀功德少欲知足葉；其華生時，令一切菩薩具諸善根相好莊嚴華；其果生時，令一切菩薩得無生忍乃至一切佛灌頂忍果。（大藥王樹六種生長）
			佛子！如來智慧大藥王樹，唯於二處不能為作生長利益，所謂：二乘墮於無為廣大深院及壞善根非器眾生溺大邪見貪愛之水；然亦於彼曾無厭捨。
			佛子！如來智慧無有增減，以根善安住，生無休息故。佛子！是為如來心第七相，諸菩薩摩訶薩應如是知。

附37-4：華嚴經如來出現品之如來心十種相之三

第八相	願波羅蜜	智慧平等 悉皆明達	復次，佛子！譬如三千大千世界劫火起時，焚燒一切草木叢林，乃至鐵圍、大鐵圍山皆悉熾然無有遺餘。
			佛子！假使有人手執乾草投彼火中，於意云何，得不燒不？答言：不也。
			佛子！彼所投草容可不燒；如來智慧分別三世一切眾生、一切國土、一切劫數、一切諸法，無不知者；若言不知，無有是處。何以故？智慧平等悉明達故。佛子！是為如來心第八相，諸菩薩摩訶薩應如是知。
第九相	力波羅蜜	世間風起 能壞世界	復次，佛子！譬如風災壞世界時，有大風起，名曰散壞，能壞三千大千世界，鐵圍山等皆成碎末。復有大風，名為能障，周匝三千大千世界障散壞風，不令得至餘方世界。佛子！若令無此能障大風，十方世界無不壞盡。
		大智之風 安住究竟	如來、應、正等覺亦復如是，有大智風，名為能滅，能滅一切諸大菩薩煩惱習氣；有大智風，名為巧持，巧持其根未熟菩薩不令能滅大智風輪斷其一切煩惱習氣。佛子！若無如來巧持智風，無量菩薩皆墮聲聞、辟支佛地；由此智故，令諸菩薩超二乘地，安住如來究竟之位。佛子！是為如來心第九相，諸菩薩摩訶薩應如是知。
第十相	智波羅蜜	一切眾生 皆有如來 智慧德相	復次，佛子！如來智慧無處不至。何以故？無一眾生而不具有如來智慧，但以妄想顛倒執著而不證得；若離妄想，一切智、自然智、無礙智則得現前。
			佛子！譬如有大經卷，量等三千大千世界，書寫三千大千世界中事，一切皆盡。
			所謂：書寫大鐵圍山中事，量等大鐵圍山；書寫大地中事，量等大地；書寫中千世界中事，量等中千世界；書寫小千世界中事，量等小千世界；如是，若四天下，若大海，若須彌山，若地天宮殿，若欲界空居天宮殿，若色界宮殿，若無色界宮殿，一一書寫，其量悉等。此大經卷雖復量等大千世界，而全住在一微塵中；如一微塵，一切微塵皆亦如是。
		破彼微塵 以出經卷	時，有一人智慧明達，具足成就清淨天眼，見此經卷在微塵內，於諸眾生無少利益，即作是念：我當以精進力，破彼微塵，出此經卷，令得饒益一切眾生。作是念已，即起方便，破彼微塵，出此大經，令諸眾生普得饒益。如於一塵，一切微塵應知悉然。
			佛子！如來智慧亦復如是，無量無礙，普能利益一切眾生，具足在於眾生身中；但諸凡愚妄想執著，不知不覺，不得利益。
廣利眾生 證得智慧	爾時，如來以無障礙清淨智眼，普觀法界一切眾生而作是言：奇哉！奇哉！此諸眾生云何具有如來智慧，愚癡迷惑，不知不見？我當教以聖道，令其永離妄想執著，自於身中得見如來廣大智慧與佛無異。即教彼眾生修習聖道，令離妄想；離妄想已，證得如來無量智慧，利益安樂一切眾生。佛子！是為如來心第十相，諸菩薩摩訶薩應如是知。		
普賢菩薩結會			佛子！菩薩摩訶薩應以如是等無量無礙不可思議廣大相，知如來、應、正等覺心。爾時，普賢菩薩摩訶薩欲重明此義而說頌言：（二十二偈）
知重 如說 來心 十種	佛	欲知諸佛心，當觀佛智慧，佛智無依處，如空無所依。	
		眾生種種樂，及諸方便智，皆依佛智慧，佛智無依止。	
	法	聲聞與獨覺，及諸佛解脫，皆依於法界，法界無增減。	
		佛智亦如是，出生一切智，無增亦無減，無生亦無盡。	

附37-4：華嚴經如來出現品之如來心十種相之四

重說十種譬喻之十種知如來心	僧	如水潛流地，求之無不得，無念亦無盡，功力遍十方。
		佛智亦如是，普在眾生心，若有勤修行，疾得智光明。
	精進	如龍有四珠，出生一切寶，置之深密處，凡人莫能見。
		佛四智亦然，出生一切智，餘人莫能見，唯除大菩薩。
	禪定	如海有四寶，能飲一切水，令海不流溢，亦復無增減。
		如來智亦爾，息浪除法愛，廣大無有邊，能生佛菩薩。
	般若	下方至有頂，欲色無色界，一切依虛空，虛空不分別。
		聲聞與獨覺，菩薩眾智慧，皆依於佛智，佛智無分別。
	方便	雪山有藥王，名為無盡根，能生一切樹，根莖葉華實。
		佛智亦如是，如來種中生，既得菩提已，復生菩薩行。
	願	如人把乾草，置之於劫燒，金剛猶洞然，此無不燒理。
		三世劫與剎，及其中眾生，彼草容不燒，此佛無不知。
	力	有風名散壞，能壞於大千；若無別風止，壞及無量界。
		大智風亦爾，滅諸菩薩惑；別有善巧風，令住如來地。
智		如有大經卷，量等三千界，在於一塵內，一切塵悉然。
		有一聰慧人，淨眼悉明見，破塵出經卷，普饒益眾生。
		佛智亦如是，遍在眾生心，妄想之所纏，不覺亦不知。
		諸佛大慈悲，令其除妄想，如是乃出現，饒益諸菩薩。

(返回第595頁)

附37-5：華嚴經如來出現品之知如來境界及如來行之一

云何知如來境界（禪定波羅蜜）	設問	佛子！菩薩摩訶薩應云何知如來、應、正等覺境界？（禪定波羅蜜）
	知自性地境界無量	佛子！菩薩摩訶薩以無障無礙智慧，知一切世間境界是如來境界，知一切三世境界、一切刹境界、一切法境界、一切眾生境界、真如無差別境界、法界無障礙境界、實際無邊際境界、虛空無分量境界、無境界境界是如來境界。（知十種境界）
		佛子！如一切世間境界無量，如來境界亦無量；如一切三世境界無量，如來境界亦無量；乃至，如無境界境界無量，如來境界亦無量；如無境界境界一切處無有，如來境界亦如是一切處無有。（同上，十種如來境界無量）
	如來境界從往昔大願所生起	佛子！菩薩摩訶薩應知心境界是如來境界。如心境界無量無邊、無縛無脫，如來境界亦無量無邊、無縛無脫。何以故？以如是如是思惟分別，如是如是無量顯現故。
		佛子！如大龍王隨心降雨，其雨不從內出、不從外出。如來境界亦復如是，隨於如是思惟分別，則有如是無量顯現，於十方中悉無來處。佛子！如大海水，皆從龍王心力所起。諸佛如來一切智海亦復如是，皆從如來往昔大願之所生起。
	四智兩萬五千河流相續不絕流入大海	佛子！一切智海無量無邊，不可思議，不可言說；然我今者略說譬喻，汝應諦聽。佛子！此閻浮提有二千五百河流入大海，西拘耶尼有五千河流入大海，東弗婆提有七千五百河流入大海，北鬱單越有一萬河流入大海。
		佛子！此四天下，如是二萬五千河相續不絕流入大海。於意云何，此水多不？答言：甚多。
	十種龍王雨大海水	佛子！復有十光明龍王，雨大海中水倍過前；百光明龍王，雨大海中水復倍前；大莊嚴龍王、摩那斯龍王、雷震龍王、難陀跋難陀龍王、無量光明龍王、連雲不斷龍王、大勝龍王、大奮迅龍王，如是等八十億諸大龍王，各雨大海，皆悉展轉倍過於前；娑竭羅龍王太子，名：閻浮幢，雨大海中水復倍前。
	十種龍王宮殿中水流入大海	佛子！十光明龍王宮殿中水流入大海，復倍過前；百光明龍王宮殿中水流入大海，復倍過前；大莊嚴龍王、摩那斯龍王、雷震龍王、難陀跋難陀龍王、無量光明龍王、連雲不斷龍王、大勝龍王、大奮迅龍王，如是等八十億諸大龍王，宮殿各別，其中有水流入大海，皆悉展轉倍過於前；娑竭羅龍王太子閻浮幢宮殿中水流入大海，復倍過前。
	大海無量潮不失時	佛子！娑竭羅龍王連雨大海，水復倍前；其娑竭羅龍王宮殿中水涌出大海，復倍於前；其所出水紺瑠璃色，涌出有時，是故大海潮不失時。
		佛子！如是大海，其水無量，眾寶無量，眾生無量，所依大地亦復無量。
知自性地入世間境界無量	如來智海四種無量	佛子！於汝意云何，彼大海為無量不？答言：實為無量，不可為喻。
		佛子！此大海無量於如來智海無量，百分不及一，千分不及一，乃至優波尼沙陀分不及其一；但隨眾生心為作譬喻，而佛境界非譬所及。佛子！菩薩摩訶薩應知如來智海無量，從初發心修一切菩薩行不斷故；應知寶聚無量，一切菩提分法、三寶種不斷故；應知所住眾生無量，一切學、無學、聲聞、獨覺所受用故；應知住地無量，從初歡喜地乃至究竟無障礙地諸菩薩所居故。佛子！菩薩摩訶薩為入無量智慧利益一切眾生故，於如來、應、正等覺境界應如是知。（智海無量，寶聚無量，所住眾生無量，住地無量）

附37-5：華嚴經如來出現品之知如來境界及如來行之二

云何知如來境界	說偈結會		爾時，普賢菩薩摩訶薩欲重明此義而說頌言：
	無量境界	自性地	如心境界無有量，諸佛境界亦復然；如心境界從意生，佛境如是應觀察。
			如龍不離於本處，以心威力霍大雨，雨水雖無來去處，隨龍心故悉充洽。
			十力牟尼亦如是，無所從來無所去，若有淨心則現身，量等法界入毛孔。
	入世間	如海珍奇無有量，眾生大地亦復然，水性一味等無別，於中生者各蒙利。	
如來智海亦如是，一切所有皆無量，有學無學住地人，悉在其中得饒益。			
云何知如來行（般若波羅蜜）	設問		佛子！菩薩摩訶薩應云何知如來、應、正等覺行？（般若波羅蜜）
	自性地般若智如來行	無礙真如行無有住處	佛子！菩薩摩訶薩應知無礙行是如來行，應知真如行是如來行。
			佛子！如真如，前際不生，後際不動，現在不起；如來行亦如是，不生、不動、不起。佛子！如法界，非量、非無量，無形故；如來行亦如是，非量、非無量，無形故。佛子！譬如鳥飛虛空，經於百年，已經過處、未經過處皆不可量。
			何以故？虛空界無邊際故。如來行亦如是，假使有人經百千億那由他劫分別演說，已說、未說皆不可量。何以故？如來行無邊際故。佛子！如來、應、正等覺住無礙行，無有住處，而能普為一切眾生示現所行，令其見已，出過一切諸障礙道。
	住無礙行佛眼觀察令成熟者置佛法中	佛子！譬如金翅鳥王，飛行虛空，迴翔不去，以清淨眼觀察海內諸龍宮殿，奮勇猛力，以左右翅鼓揚海水悉令兩闢，知龍男女命將盡者而搏取之。如來、應、正等覺金翅鳥王亦復如是，住無礙行，以淨佛眼觀察法界諸宮殿中一切眾生，若曾種善根已成熟者，如來奮勇猛十力，以止觀兩翅鼓揚生死大愛水海，使其兩闢而撮取之，置佛法中，令斷一切妄想戲論，安住如來無分別無礙行。	
		性本空寂無有分別示現遊行一切法界	佛子！譬如日月，獨無等侶，周行虛空，利益眾生，不作是念：我從何來，而至何所。諸佛如來亦復如是，性本寂滅，無有分別，示現遊行一切法界，為欲饒益諸眾生故，作諸佛事無有休息，不生如是戲論分別：我從彼來，而向彼去。佛子！菩薩摩訶薩應以如是等無量方便、無量性相，知見如來、應、正等覺所行之行。
	說偈結會		爾時，普賢菩薩欲重明此義而說頌言：
	無量境界	自性地	譬如真如不生滅，無有方所無能見；大饒益者行如是，出過三世不可量。
法界非界非非界，非是有量非無量；大功德者行亦然，非量無量無身故。			
如鳥飛行億千歲，前後虛空等無別；眾劫演說如來行，已說未說不可量。			
入世間		金翅在空觀大海，闢水搏取龍男女；十力能拔善根人，令出有海除眾惑。	
		譬如日月遊虛空，照臨一切不分別；世尊周行於法界，教化眾生無動念。	

(返回第595頁)

附37-6：華嚴經如來出現品之知如來成正覺之一

設問			佛子！諸菩薩摩訶薩應云何知如來、應、正等覺成正覺？（方便波羅蜜）
云何知如來成正覺（方便波羅蜜）	如來自性地佛波羅蜜	無所疑惑於一念中悉知三世一切諸法	佛子！菩薩摩訶薩應知如來成正覺，於一切義無所觀察，於法平等無所疑惑，無二無相，無行無止，無量無際，遠離二邊，住於中道，出過一切文字言說，知一切眾生心念所行、根性欲樂、煩惱染習；舉要言之，於一念中悉知三世一切諸法。
			佛子！譬如大海普能印現四天下中一切眾生色身形像，是故共說以為大海；諸佛菩提亦復如是，普現一切眾生心念、根性樂欲而無所現，是故說名諸佛菩提。佛子！諸佛菩提，一切文字所不能宣，一切音聲所不能及，一切言語所不能說，但隨所應方便開示。
	得十三種身		佛子！如來、應、正等覺成正覺時，得一切眾生量等身，
			得一切法量等身，
			得一切刹量等身，
			得一切三世量等身，
			得一切佛量等身，
			得一切語言量等身，
			得真如量等身，
			得法界量等身，
			得虛空界量等身，
			得無礙界量等身，
			得一切願量等身，
			得一切行量等身，
			得寂滅涅槃界量等身。
	如來自性地法波羅蜜	見一切眾生成正覺入於涅槃	佛子！如所得身，言語及心亦復如是，得如是等無量無數清淨三輪。佛子！如來成正覺時，於其身中普見一切眾生成正覺，乃至普見一切眾生入涅槃，皆同一性，所謂：無性。
			無何等性？所謂：無相性、無盡性、無生性、無滅性、無我性、無非我性、無眾生性、無非眾生性、無菩提性、無法界性、無虛空性，亦復無有成正覺性。知一切法皆無性故，得一切智，大悲相續，救度眾生。
		若成正覺不成正覺常無增減	佛子！譬如虛空，一切世界若成若壞，常無增減。何以故？虛空無生故。諸佛菩提亦復如是，若成正覺、不成正覺，亦無增減。何以故？菩提無相、無非相，無一、無種種故。佛子！假使有人能化作恒河沙等心，一一心復化作恒河沙等佛，皆無色、無形、無相，如是盡恒河沙等劫無有休息。
		菩提無相無增無減	佛子！於汝意云何？彼人化心，化作如來，凡有幾何？如來性起妙德菩薩言：如我解於仁所說義，化與不化等無有別，云何問言凡有幾何？普賢菩薩言：善哉善哉！佛子！如汝所說，設一切眾生，於一念中悉成正覺，與不成正覺等無有異。何以故？菩提無相故；若無有相，則無增無減。
	僧	一切皆成正覺	佛子！菩薩摩訶薩應如是知成等正覺同於菩提一相無相。如來成正覺時，以一相方便入善覺智三昧；入已，於一成正覺廣大身，現一切眾生數等身住於身中。如一成正覺廣大身，一切成正覺廣大身悉亦如是。

附37-6：華嚴經如來出現品之知如來成正覺之二

云何知如來成正覺（方便波羅蜜）	如來自性地僧波羅蜜	身無有量	佛子！如來有如是等無量成正覺門，是故應知如來所現身無有量；以無量故，說如來身為無量界、等眾生界。
		遍一切處以種種身成等正覺	佛子！菩薩摩訶薩應知如來身一毛孔中，有一切眾生數等諸佛身。何以故？如來成正覺身究竟無生滅故。如一毛孔遍法界，一切毛孔悉亦如是，當知無有少許處空無佛身。何以故？如來成正覺，無處不至故；隨其所能，隨其勢力，於道場菩提樹下師子座上，以種種身成等正覺。
		不離此心而成正覺	佛子！菩薩摩訶薩應知自心念念常有佛成正覺。何以故？諸佛如來不離此心成正覺故。如自心，一切眾生心亦復如是，悉有如來成等正覺，廣大周遍，無處不有，不離不斷，無有休息，入不思議方便法門。佛子！菩薩摩訶薩應如是知如來成正覺。
	說偈結會		爾時，普賢菩薩摩訶薩欲重明此義而說頌言：
	正覺地方便	自性地	正覺了知一切法，無二離二悉平等，自性清淨如虛空，我與非我不分別。
			如海印現眾生身，以此說其為大海；菩提普印諸心行，是故說名為正覺。
			譬如世界有成敗，而於虛空不增減；一切諸佛出世間，菩提一相恒無相。
		入法界	如人化心化作佛，化與不化性無異；一切眾生成菩提，成與不成無增減。
			佛有三昧名善覺，菩提樹下入此定，放眾生等無量光，開悟群品如蓮敷。
			如三世劫刹眾生，所有心念及根欲，如是數等身皆現，是故正覺名無量。

（返回第595頁）

附37-7：華嚴經如來出現品之知如來轉法輪

云何知如來轉法輪（願波羅蜜）	設問			佛子！菩薩摩訶薩應云何知如來、應、正等覺轉法輪？（願波羅蜜）
	如來自性地佛波羅蜜	以十種法而轉法輪	佛	佛子！菩薩摩訶薩應如是知如來以心自在力無起無轉而轉法輪，知一切法恒無起故；
			法	以三種轉斷所應斷而轉法輪，知一切法離邊見故；
			僧	離欲際、非際而轉法輪，入一切法虛空際故；
			精進	無有言說而轉法輪，知一切法不可說故；
			禪定	究竟寂滅而轉法輪，知一切法涅槃性故；
			般若	以一切文字、一切言語而轉法輪，如來音聲無處不至故；
			方便	知聲如響而轉法輪，了於諸法真實性故；
			願	於一音中出一切音而轉法輪，畢竟無主故；
			力	（疑缺文）
			智	無遺無盡而轉法輪，內外無著故。
	自性地法波羅蜜	如來法輪入一切語言文字而無所住	佛子！譬如一切文字語言，盡未來劫說不可盡；佛轉法輪亦復如是，一切文字安立顯示，無有休息，無有窮盡。	
			佛子！如來法輪悉入一切語言文字而無所住。譬如書字，普入一切事、一切語、一切算數、一切世間出世間處而無所住；如來音聲亦復如是，普入一切處、一切眾生、一切法、一切業、一切報中而無所住。一切眾生種種語言，皆悉不離如來法輪。何以故？言音實相即法輪故。佛子！菩薩摩訶薩於如來轉法輪應如是知。	
	自性地僧波羅蜜	隨一切眾生心行樂欲出音聲而轉法輪	復次，佛子！菩薩摩訶薩欲知如來所轉法輪，應知如來法輪所出生處。何等為如來法輪所出生處？佛子！如來隨一切眾生心行欲樂無量差別，出若干音聲而轉法輪。	
			佛子！如來、應、正等覺有三昧，名究竟無礙無畏，入此三昧已，於成正覺一一身、一一口，各出一切眾生數等言音，一一音中眾音具足，各各差別而轉法輪，令一切眾生皆生歡喜。能如是知轉法輪者，當知此人則為隨順一切佛法；不如是知，則非隨順。佛子！諸菩薩摩訶薩應如是知佛轉法輪，普入無量眾生界故。	
	說偈結會			爾時，普賢菩薩摩訶薩欲重明此義而說頌言：
	如來轉法輪	自性地		如來法輪無所轉，三世無起亦無得，譬如文字無盡時，十力法輪亦如是。
				如字普入而無至，正覺法輪亦復然，入諸言音無所入，能令眾生悉歡喜。
				佛有三昧名究竟，入此定已乃說法，一切眾生無有邊，普出其音令悟解。
入法界			一一音中復更演，無量言音各差別，於世自在無分別，隨其欲樂普使聞。文字不從內外出，亦不失壞無積聚，而為眾生轉法輪，如是自在甚奇特。	

（返回第595頁）

附37-8：華嚴經如來出現品之知如來般涅槃之一

云何知如來涅槃（力波羅蜜）	設問		佛子！菩薩摩訶薩應云何知如來、應、正等覺般涅槃？（力波羅蜜）	
	如來自性地佛波羅蜜涅槃	如來得十種涅槃	佛子！菩薩摩訶薩欲知如來大涅槃者，當須了知根本自性。	
			佛	如真如涅槃，如來涅槃亦如是；
			法	如實際涅槃，如來涅槃亦如是；
			僧	如法界涅槃，如來涅槃亦如是；
			精進	如虛空涅槃，如來涅槃亦如是；
			禪定	如法性涅槃，如來涅槃亦如是；
			般若	如離欲際涅槃，如來涅槃亦如是；
			方便	如無相際涅槃，如來涅槃亦如是；
			願	如我性際涅槃，如來涅槃亦如是；
			力	如一切法性際涅槃，如來涅槃亦如是；
			智	如真如際涅槃，如來涅槃亦如是。
				何以故？涅槃無生無出故；若法無生無出，則無有滅。
	不說涅槃亦不示現	佛子！如來不為菩薩說諸如來究竟涅槃，亦不為彼示現其事。		
		何以故？為欲令見一切如來常住其前，於一念中見過去、未來一切諸佛色相圓滿皆如現在，亦不起二、不二想。何以故？菩薩摩訶薩永離一切諸想著故。		
	如來常住清淨法界隨眾生心示現涅槃	佛子！諸佛如來為令眾生欣樂故，出現於世；欲令眾生戀慕故，示現涅槃；而實如來無有出世，亦無涅槃。何以故？如來常住清淨法界，隨眾生心示現涅槃。		
		佛子！譬如日出，普照世間，於一切淨水器中影無不現，普遍眾處而無來往，或一器破便不現影。佛子！於汝意云何，彼影不現為日咎不？答言：不也。但由器壞，非日有咎。佛子！如來智日亦復如是，普現法界無前無後，一切眾生淨水器中佛無不現，水器常淨常見佛身，若心濁器破則不得見。		
	如來地法實無有涅槃	佛子！若有眾生應以涅槃而得度者，如來則為示現涅槃，而實如來無生、無歿、無有滅度。佛子！譬如火大，於一切世間能為火事，或時一處其火息滅。於意云何，豈一切世間火皆滅耶？答言：不也。佛子！如來、應、正等覺亦復如是，於一切世界施作佛事，或於一世界能事已畢示入涅槃，豈一切世界諸佛如來悉皆滅度？佛子！菩薩摩訶薩應如是知如來、應、正等覺大般涅槃。		
	法波羅蜜涅槃	善知無量智慧方便隨眾生心示現涅槃	復次，佛子！譬如幻師善明幻術，以幻術力，於三千大千世界一切國土、城邑、聚落示現幻身，以幻力持經劫而住；然於餘處，幻事已訖，隱身不現。	
			佛子！於汝意云何，彼大幻師豈於一處隱身不現，便一切處皆隱滅耶？答言：不也。佛子！如來、應、正等覺亦復如是，善知無量智慧方便種種幻術，於一切法界普現其身，持令常住盡未來際；或於一處，隨眾生心，所作事訖，示現涅槃。豈以一處示入涅槃，便謂一切悉皆滅度？佛子！菩薩摩訶薩應如是知如來、應、正等覺大般涅槃。	

附37-8：華嚴經如來出現品之知如來般涅槃之二

云何知如來涅槃（力波羅蜜）	僧波羅蜜涅槃	法界涅槃究竟安住	復次，佛子！如來、應、正等覺示涅槃時，入不動三昧；入此三昧已，於一身各放無量百千億那由他大光明，一一光明各出阿僧祇蓮華，一一蓮華各有不可說妙寶華葉，一一華葉有師子座，一一座上皆有如來結跏趺坐，其佛身數正與一切眾生數等，皆具上妙功德莊嚴，從本願力之所生起。若有眾生善根熟者，見佛身已，則皆受化。然彼佛身，盡未來際究竟安住，隨宜化度一切眾生未曾失時。
		住於法界無生無滅	佛子！如來身者，無有方處，非實非虛，但以諸佛本誓願力，眾生堪度則便出現。菩薩摩訶薩應如是知如來、應、正等覺大般涅槃。佛子！如來住於無量無礙究竟法界、虛空界，真如法性無生無滅及以實際，為諸眾生隨時示現；本願持故，無有休息，不捨一切眾生、一切刹、一切法。
	說偈結會		爾時，普賢菩薩摩訶薩欲重明此義而說頌言：
	如來地涅槃	自性地	如日舒光照法界，器壞水漏影隨滅；最勝智日亦如是，眾生無信見涅槃。
			如火世間作火事，於一城邑或時息；人中最勝遍法界，化事訖處示終盡。
			幻師現身一切刹，能事畢處則便謝；如來化訖亦復然，於餘國土常見佛。
		入法界	佛有三昧名不動，化眾生訖入此定，一念身放無量光，光出蓮華華有佛。
			佛身無數等法界，有福眾生所能見，如是無數一一身，壽命莊嚴皆具足。
			如無生性佛出興，如無滅性佛涅槃，言辭譬諭悉皆斷，一切義成無與等。

(返回第595頁)

附37-9：華嚴經如來出現品之知於如來見聞親近所種善根之一

云何知見聞親近所種善根（智波羅蜜）	設問	佛子！菩薩摩訶薩應云何知於如來、應、正等覺見聞親近所種善根？
	知佛波羅蜜所種善根	佛子！菩薩摩訶薩應知於如來所見聞親近所種善根皆悉不虛，出生無盡覺慧故，離於一切障難故，決定至於究竟故，無有虛誑故，一切願滿故，不盡有為行故，隨順無為智故，生諸佛智故，盡未來際故，成一切種勝行故，到無功用智地故。
		佛子！譬如丈夫，食少金剛，終竟不消，要穿其身，出在於外。何以故？金剛不與肉身雜穢而同止故。於如來所種少善根亦復如是，要穿一切有為諸行煩惱身過，到於無為究竟智處。何以故？此少善根不與有為諸行煩惱而共住故。
		佛子！假使乾草積同須彌，投火於中如芥子許，必皆燒盡。何以故？火能燒故。於如來所種少善根亦復如是，必能燒盡一切煩惱，究竟得於無餘涅槃。何以故？此少善根性究竟故。
	知法波羅蜜所種善根	佛子！譬如雪山有藥王樹，名曰善見。若有見者，眼得清淨；若有聞者，耳得清淨；若有嗅者，鼻得清淨；若有嘗者，舌得清淨；若有觸者，身得清淨；若有眾生取彼地土，亦能為作除病利益。
		佛子！如來、應、正等覺無上藥王亦復如是，能作一切饒益眾生。若有得見如來色身，眼得清淨；若有得聞如來名號，耳得清淨；若有得嗅如來戒香，鼻得清淨；若有得嘗如來法味，舌得清淨，具廣長舌，解語言法；若有得觸如來光者，身得清淨，究竟獲得無上法身；若於如來生憶念者，則得念佛三昧清淨；若有眾生供養如來所經土地及塔廟者，亦具善根，滅除一切諸煩惱患，得賢聖樂。
		佛子！我今告汝，設有眾生見聞於佛，業障纏覆不生信樂，亦種善根無空過者，乃至究竟入於涅槃。佛子！菩薩摩訶薩應如是知於如來所見聞親近所種善根，悉離一切諸不善法，具足善法。
		佛子！如來以一切譬喻說種種事，無有譬喻能說此法。何以故？心智路絕，不思議故。諸佛菩薩但隨眾生心，令其歡喜，為說譬喻，非是究竟。
	知僧波羅蜜所種善根	佛子！此法門名為如來祕密之處，名一切世間所不能知，名入如來印，名開大智門，名示現如來種性，名成就一切菩薩，名一切世間所不能壞，名一向隨順如來境界，名能淨一切諸眾生界，名演說如來根本實性不思議究竟法。
		佛子！此法門，如來不為餘眾生說，唯為趣向大乘菩薩說，唯為乘不思議乘菩薩說；此法門不入一切餘眾生手，唯除諸菩薩摩訶薩。佛子！譬如轉輪聖王所有七寶，因此寶故顯示輪王，此寶不入餘眾生手，唯除第一夫人所生太子，具足成就聖王相者。若轉輪王無此太子具眾德者，王命終後，此諸寶等於七日中悉皆散滅。
		佛子！此經珍寶亦復如是，不入一切餘眾生手，唯除如來法王真子，生如來家，種如來相諸善根者。佛子！若無此等佛之真子，如是法門不久散滅。
	聞此法門疾得成就	何以故？一切二乘不聞此經，何況受持、讀誦、書寫、分別解說！唯諸菩薩乃能如是。是故，菩薩摩訶薩聞此法門應大歡喜，以尊重心恭敬頂受。何以故？菩薩摩訶薩信樂此經，疾得阿耨多羅三藐三菩提故。

附37-9：華嚴經如來出現品之知於如來見聞親近所種善根之二

云何知見聞親近所種善根（智波羅蜜）	知僧波羅蜜所種善根	不聞此法 不名菩薩	佛子！設有菩薩於無量百千億那由他劫行六波羅蜜，修習種種菩提分法。若未聞此如來不思議大威德法門，或時聞已不信、不解、不順、不入，不得名為真實菩薩，以不能生如來家故。
			若得聞此如來無量不可思議無障無礙智慧法門，聞已信解，隨順悟入，當知此人生如來家，隨順一切如來境界，具足一切諸菩薩法，安住一切種智境界，遠離一切諸世間法，出生一切如來所行，通達一切菩薩法性，於佛自在心無疑惑，住無師法，深入如來無礙境界。
		聞如來法得十種功德	佛子！菩薩摩訶薩聞此法已，
			佛則能以平等智知無量法，
			法則能以正直心離諸分別，
			僧則能以勝欲樂現見諸佛，
			精進則能以作意力入平等虛空界，
			禪定則能以自在念行無邊法界，
			般若則能以智慧力具一切功德，
			方便則能以自然智離一切世間垢，
			願則能以菩提心入一切十方網，
			力則能以大觀察知三世諸佛同一體性，
			智則能以善根迴向智普入如是法，不入而入；不於一法而有攀緣，恒以一法觀一切法。
			佛子！菩薩摩訶薩成就如是功德，少作功力，得無師自然智。
		說偈結會	爾時，普賢菩薩欲重明此義而說頌言：
	善根利益	自性地	見聞供養諸如來，所得功德不可量，於有為中終不盡，要滅煩惱離眾苦。
			譬人吞服少金剛，終竟不消要當出；供養十力諸功德，滅惑必至金剛智。
			如乾草積等須彌，投芥子火悉燒盡；供養諸佛少功德，必斷煩惱至涅槃。
		入法界	雪山有藥名善見，見聞嗅觸消眾疾；若有見聞於十力，得勝功德到佛智。

(返回第595頁)